

U G O V O R
O PRUŽANJU USLUGA DOSTAVLJANJA PRIPREMLJENE HRANE
(CATERING) U ŠKOLU

Zaključen dana 28.02.2019. godine između:

1. **Javne ustanove Osnovne škole „Velešićki heroji“** sa sjedištem u Sarajevu, ulica Velešići br. 2, ID broj 4200168760004, JRT broj 3380002210019263 kod Unicredit banke, koju zastupa Direktor škole Kenan Trebinjac (u daljem tekstu: Kupac) i
2. **„NERRO“ d.o.o. Sarajevo**, ul. Armaganuša br. 30, ID broj 4201254460001, UniCredit banka 3383202266197138, kojeg zastupa direktor Mirsad Mujkić (u daljem tekstu: Prodavac)

Član 1.

(Predmet Ugovora)

Predmet ovog Ugovora je nabavka usluga dostavljanja pripremljene hrane (catering) u školu za potrebe Kupca.

Kupac i Prodavac su saglasni da Ugovor realiziraju prema definisanim uvjetima u tenderskoj dokumentaciji broj: 07-353/18 od 10.12.2018. godine i prema sadržaju ponude broj: 07-353/18 od 20.12.2018. godine sa kojom je Prodavac učestvovao u provedenom postupku konkurentskog zahtjeva za dostavljanje ponuda.

Član 2.

(Cijena)

Ugovor se zaključuje sa procijenjenom vrijednosti u iznosu od 22.869,00 KM (dvadesetdvije hiljade osamstotinašezdesetdevet KM) bez uključenog PDV-a.

Isporuka obroka iz člana 1. ovog Ugovora će se plaćati prema utvrđenim pojedinačnim jediničnim cijenama iz Ponude Prodavca br. 07-353/18 od 20.12.2018. godine, koje se neće mijenjati tokom sporazumnog perioda.

Ukupna plaćanja bez poreza na dodatnu vrijednost, na osnovu svih pojedinačnih isporuka hrane po zahtjevima Kupca po osnovu ovog Ugovora ne smiju prelaziti procijenjenu vrijednost nabavke iz stava (1) ovog člana.

Član 3.

(Nepromijenjivost cijene)

Prodavac se obavezuje na nepromijenjivost cijena tokom cijelog ugovornog perioda.

Član 4.

(Rok isporuke)

Isporuka obroka iz člana 1. ovog Ugovora će se vršiti sukcesivno i kontinuirano u toku trajanja ugovornog perioda.

Član 5.

(Način isporuke)

Obaveza Prodavca je da obroke iz člana 1. ovog Ugovora priprema u namjenskim prostorijama Prodavca, gdje Kupac zadržava pravo provjere i kontrole kvaliteta hrane, a Prodavac se obavezuje da snosi svu odgovornost vezano za kvalitet hrane, te u slučaju neispunjavanja traženih kriterija Kupac zadržava pravo da odustane od ovog ugovora. Obaveze prodavca iz stava 1. ovog člana kontrolisat će Direktor škole.

Član 6.
(Viša sila)

Kupac i Prodavac se neće smatrati odgovornima za kašnjenje u ispunjenju obaveza prema ovom Ugovoru, ako je zakašnjenje uslijedilo usljed više sile.

Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjenju preuzetih obaveza po ovom ugovoru.

U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile. U slučaju da se utvrdi da Prodavac nije u mogućnosti da ispuni obaveze prema ovom ugovoru, Kupac ima i može koristiti pravo na raskid ovog ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 7.
(Garancija)

Prodavac garantuje da će isporuka obroka iz člana 1. ovog Ugovora biti propisanog kvaliteta koji je određen prema važećim standardima i certifikatima i obavezuje se da će Kupcu dostavljati odgovarajuće dokaze o izvršenoj kontroli nadležnih institucija ovlaštenih za kontrolu hrane i higijenu radnog prostora.

Član 8.
(Specifikacija hrane)

Sastavni dio ovog Ugovora je specifikacija školskih obroka koju je Prodavac dostavio u svojoj ponudi br. 07-353/18 od 20.12.2018. godine sa kojom je učestvovao u postupku konkurentskog zahtjeva za dostavljanje ponuda.

Prodavac je obavezan u potpunosti poštovati meni dat u specifikaciji usluga, a nepoštivanje dogovorenog menia razlog je za raskid ovog ugovora.

Količine u specifikaciji su okvirne količine usluga isporuke pripremljenih obroka, obzirom da se tačna količina nabavke za period trajanja ugovora ne može unaprijed odrediti.

Član 9.
(Period trajanja Ugovora)

Ovaj Ugovor zaključuje se na period od 01.03.2019. godine do iznosa procjenjene vrijednosti Ugovora utvrđenoj u članu 2. stav (1) ovog Ugovora, a najkasnije do 31.12.2019. godine.

Ukoliko se jedna od ugovornih strana ne bude pridržavala odredaba ovog ugovora, ugovor se može raskinuti i prije njegovog isteka, uz prethodno izmirenje svih obaveza utvrđenih po osnovu ovog ugovora.

Član 10.
(Zaštita prava)

Sve nastale sporove ugovorne strane će rješavati sporazumno, a ako to nije moguće spor će biti riješen pred nadležnim sudom u Sarajevu.

Na sva prava i obaveze sporazumnih strana koja nisu regulisana ovim ugovorom, primjenit će se odredbe zakona o obligacionim odnosima.

Član 11.

(Stupanje na snagu)

Ovaj ugovor stupa na snagu danom potpisivanja od strane ovlaštenih osoba ugovornih strana, a primjenjivat će se od 01.03.2019. godine.

Član 12.

(Broj primjeraka ugovora)

Ovaj ugovor je sačinjen u četiri istovjetna primjerka od kojih svaka ugovorna strana zadržava po dva.

Prodavac :

„NERRO“ d.o.o. Sarajevo

Direktor

Mirsad Mujkić




Broj: _____
Sarajevo, _____ 2019. godine

Kupac:

JU OS „Velešićki heroji“

Direktor škole

Kenan Trebinjac



Broj: 07 - 22 /19
Sarajevo, 28.02.2019. godine